

林園月令二編

三

津田文庫

文庫 1

1697

11

10

15

20



早稻田大學  
圖書館藏

園月令

二編卷三

庫

新寫館

機

樞

纂輯

○四月

月令演物候條更維夏四月螻蟈亂鳴  
蚯蚓咸出王瓜首生苦菜秀實靡草其  
靡麥秋早獲 錦帶連珠乘間少女曾  
穿九曲之珠海上羽人試擁十鑪之火

林園月令

二編卷三四月

一

010190603186



高閣浮烟熏鬱金之草，清池列樹招素影之風。南居細李先薦金盤，西苑含桃頻傾玉椀。迴塘靡草疑編孫子，衣裳曲沼鳴蛙都入孔生鼓吹。弄輕楫于浣花之溪，披薄帷于清冷之室。高樓佚女呈皓腕于乘陰空谷，幽人發清歌于麥隴。風曳新竹兩逐黃梅。

1197-11

南館調笙遙引緱山之鶴，西宮剪穀巧裁巫岫之雲。瑤山西母供絳雪之丸，靈海東王授玄冰之散。佳人玉指裁紫錦而凝冰，貴客金丸下丹禽而編羽。一歲芳華篋新籜解拾錦祿之層層，櫻薦盤登探驪珠之顚顚。清嘉錄立夏日家設櫻桃青梅穠麥供神享先名。



曰立夏見三新宴飲則有燒酒酒釀海  
蚶饅頭麪筋芥菜白笋鹹鴨蛋等品為  
佐蠶豆亦於是日嘗新酒肆餽遺于主  
顧以酒釀燒酒謂之餽節蔡雲吳飲云  
消梅鬆脆鶯桃熟穠麥甘香蚕豆鮮鼻  
子調鹽剖紅玉海蚶入饌數青錢案崑  
新合志立夏日家設櫻桃青梅麥蚕窠

饀等物飲燒酒名曰立夏見三新與郡  
俗畧異家戶以大秤權人輕重至立  
秋日又秤之以驗夏中之肥瘠蔡雲吳  
飲云風開繡閣颺羅衣認是秋千戲却  
非為挂量才上官秤評量燕瘦與環肥  
錢思元吳門補乘云立夏日家以大秤  
權人輕重吳曼雲江鄉節物詞小序云



杭俗立夏日懸大秤男女皆秤之以試  
一年之肥瘠詩云懸衡一一判低昂輕  
重休誇蠟貌強莫是菜人須論價就中  
愁絕是豬王 俗以入夏眠食不服曰  
注夏凡以魘注夏之疾者則于立夏日  
取隔歲撐門炭烹茶以飲茶葉則索諸  
左右鄰舍謂之七家茶案錢思元吳門

補乘立夏飲七家茶免疰夏慮志夏至  
食李以解注夏之疾王荈姑蘓志作端  
午日王志夏至以束糶之草繫手足而  
祝之名曰健糶以解注夏之疾張寅太  
倉州志立夏日煮麥豆和糖食之曰不  
注夏南郭州志則云夏至用蚕豆小麥  
煮飯名夏至飯戒坐戶檻云犯得注夏



之疾江震舊志立夏男女各試葛衣云  
解蛙夏之疾蓋症夏之說已見元池說  
林立夏日俗尚啖李則不蛙夏家治齋  
云症與注當作蛙入夏不健如樹木之  
爲蟲蛙也西溪叢話南人不善乘船曰  
苦船北人曰苦車苦音庫吳下人語音  
如注又謂所厭惡之人亦曰注皆苦之

譌患苦之也今謂入夏眠食不服曰注  
夏猶是意爾環太湖諸山鄉人比戶  
蠶桑爲務三四月爲蚕月紅紙黏門不  
相往來多所禁忌治其事者自陌上桑  
柔提籠采葉至邨中繭煮分箔繅絲歷  
一月而後弛諸禁俗曰育蚕者曰蚕黨  
或有畏護種出火辛苦徃徃于立夏後



買現成三眠蚕于湖南之諸鄉村諺云  
立夏三朝開蚕黨開買蚕船也案具區志湖  
中諸山以蚕桑為務女未及笄即習育  
蚕三四月謂之蚕月家家閉戶不相往  
來郭傾伽樗園消夏錄三吳蚕月風景  
殊佳紅帖黏門家多禁忌少婦治其事  
者往往獨宿許志進蚕詞云五夜留燈

照獨眠蚕房齋禁太常偏軒渠借問秦  
淮海箇出蚕書第幾篇小滿乍來蚕  
婦煮繭治車繅絲晝夜操作郊外菜花  
至是亦皆結實取其子至車坊磨油以  
俟估客販賣插秧之人又各帶土分科  
設遇梅雨泛溢則集桔槔以救之旱則  
用連車遞引溪河之水傳岸入田謂之



踏水車，號曰小滿，動三車，謂絲車、油車、田車也。案徐炬《事物原始》云：西陵氏制，絲車以縲絲，震澤志：黃繭緒粗，不中織，染另縲，以爲絲，縛惟細長而瑩白者，留種繭外，乃縲細絲。又云：歲既獲，即播菜麥，至夏初，則摘菜莖，以爲蔬，春菜子，以爲油，斬菜莖，以爲薪，磨麥穗，以爲麪，雜

以蚕豆，名曰春熟。郡人又謂之小滿，見三新。長元志云：油坊以菜子，壓油，在婁葑兩門。吳縣志云：在新郭橫塘仙人塘，并云吳農治田，男女皆效力，春耕，饁餉，夏耘，踏車，老幼俱前，人力少者，僱單丁，以襄其事，或長僱，或短僱，總名曰長工。又曰：忙工，厚其酒肉，以餉之，即詩所云



侯疆侯以之意也。繭絲既出，各負至城賣與郡城隍廟前之收絲客。每歲四月始聚市，至晚蚕成而散，謂之賣新絲。蔡雲吳歛云：蚕家多半太湖濱，浮店收絲只趁新城裏。那知蚕婦苦載錢，眼熱買絲人索。吳縣志：近湖諸山家蓄蚕，取之每歲四月始登市。夏初天氣清和。

人衣單袷，忽陰雨經旬，重御棉衣。人以其時之寒在麥秀之際，謂之麥秀寒。王鳴鳳初夏邨居雜詠云：鷓鴣催晨曉，月殘數聲布穀報。春闌棉衣欲換，情偏嬾。見說江南麥秀寒，案范石湖詩：五月吳江麥秀寒，楊誠齋詩：云麥黃秧碧百家衣已熟，猶寒四月時。陸泳吳下田家志。



亦云四月麥秀寒五月溫和暖鄉人以  
麥宜寒蚕宜溫惟同在四月之際兩者  
必有一偏嘗有歌云做天難做四月天  
蚕要溫和麥要寒種菜哥兒要落雨採  
菜孃子要晴乾 蔬果鮮魚諸品應候  
迭出市人擔賣四時不絕于市而夏初  
尤盛號為賣時新趙筠吳門竹枝詞云

山中鮮果海中鱗落索瓜茄次第陳佳  
品盡為吳地有一年四季賣時新案王  
鏊姑蘓志三四月賣時新率五日而更  
一品如王瓜茄諸色豆諸海鮮枇杷楊  
梅迭出後時者價下二三倍沈朝初憶  
江南詞有詠四時食物摘錄數闕于此  
詞云蘓州好香筍出陽山纖手剝來渾



似玉銀刀劈，處氣如蘭，鮮嫩砌磁盤。花蘭  
菑蘓州好，光福紫楊梅色比火珠還徑  
寸味同甘露降，瑤臺小嚼沁桃腮。揚梅蘓  
州好沙上枇杷黃，籠罩青絲堆蜜蠟皮  
含紫核結丁香，甘液勝瓊漿。枇杷蘓州好  
封水種雞頭，瑩潤每疑珠十斛，柔香偏  
愛乳盈甌。細剝小庭幽。雞頭蘓州好朱橘

洞庭香滿樹，紅霜甘液冷。一團絳雪玉  
津涼，酒後倍思量。橘蘓州好玉疊結梅  
酸，夢起細含消。病渴繡餘低嗅，沁心寒  
青脆小如丸。梅實蘓州好新夏食櫻桃異  
種舊傳崖蜜勝，淺紅新樣口脂嬌。小孩  
味偏饒。櫻桃蘓州好豆蔻喚新蚕，花底摘  
來和筍嫩，僧房煮後伴茶鮮。團坐牡丹



前蚕蘓州好湖面半菱窠綠蒂文窠長  
蕩美中秋沙角帟邱多滋味賽蘋婆諸菱  
蘓州好魚味愛三春刀鱗去鱗光錯落  
河鮓剖乳腹膨脝新韭帶薑烹江鱗蘓  
州好夏月食冰鮮石首帶黃荷葉裹鮓  
魚似雪柳條穿到處接鮮船黃魚蘓州  
好鮓鱸憶秋風巨口細鱗和酒嫩雙螯

紫蟹帶糟紅菘菜點羹濃銀鱸蘓州好

冬日五侯鯖蜜蠟拖油鱖骨鮓水晶雲

片鯽魚羹糟熟裁毛鷹鯽魚十四日

為呂仙誕俗稱神仙生日食米粉五色

糕名神仙糕帽鋪製垂鬚鉸帽以售名

神仙帽醫士或招樂部伶人集廳事擊

牲以酬或酌水獻花以慶仙誕案史纂



云神仙姓呂名巖字洞賓曾祖延之浙東節度使祖渭禮部侍郎父讓海州刺史唐貞元十四年四月十四日巳時生舉進士不第遇正陽真人鐘離子得道施肩吾有鍾呂傳道記 仙誕前夕居人芟剪千年蓋舊葉棄擲門首祝曰惡運去好運來或又於廟中別買新葉植

之謂之交好運案陶朱公書四月十四日俗傳神仙生日芟剪千年蓋舊葉擲之通衢令人踐踏則新葉易生吳人植之以興萎占盛衰造房者連根葉置樑上以爲吉讖結姻聘幣者鉸縉絹肖其形與吉祥草及葱松四色並列盆中崑新合志亦云神仙生日家戶剪蓋葉散



布街坊蓋俗運與蓋同音也

麗藻 五言律詩

麥大熟

清趙

翼雲崧

麥稔今年實香雲萬頃黃共驚盈尺穗  
已抵半年糧市餅邊增潤廛禾價減昂  
螢中誇飽食竟欲傲朝堂

村居

景是恢台候幽居好景光雨來先硯潤  
風過有花香浸稻修秧馬看蔬縛草狼  
園丁又來報新筍似人長

五言排律

螻蝻鳴

清

吳錫麒 聖徵

為欲淫哇洗因無蝻氏令除方焚牡鞠  
生又逐浮萍此日鳴由脰前期子肖丁



箏琶宣一例，蜥斗蛭十形。細雨波跳白，  
荒烟草混青。田歌朝喚起，客夢夕催醒。  
地判官私異，年占水旱靈。詹諸寧溷爾，  
音響幾曾聽。

蚯蚓出

笑爾誠廉士，黃緣出草叢。穴穿深蘚裏，  
泉吸落花中。短調歌殘月，新腔唱晚風。

篆文蟠乙乙，卻步走弓弓。聲較煎茶急，  
形分畫柳工。籬根催雨過，渚外待潮通。  
善引稱惟肖，無心趣孰同。青塘蛙是伴，  
鼓吹各西東。

王瓜生

王善稱堪據，葵姑證或歧。微生當火候，  
是月即瓜期。碎灑黃花綴，圓堆赤實垂。



靈胎分北燭正色表南離暑雨蒸來久  
斜陽灌者誰含犀仍辨辨引蔓亦絲絲  
配藥方曾檢如茶味可知但精名物辨  
草挈任傳疑

### 苦菜秀

乍聞歌采苦敷秀已芊芊滋味酸鹹外  
冰霜閱歷先集心渾似蓼剖的<sub>レ</sub>不輸蓮

炎上生因火芬成告自天挑應茶鼓外  
摘正堇原邊藥待良言報葑寧下體捐  
回甘飴可比補雅賈須箋留脩濡豚用  
還徵內則篇

### 靡草死

託姿原小草豈耐盛陽侵靡靡渾無賴  
蕭蕭竟不任枯荻隨土化生意付波沉



慘綠螢光蛻餘馨蝶夢尋薺先茶蓼葉  
抽少卷施心正氣除群穢炎威鑠衆陰  
儘教資藥裏豈許附苔岑根本須培植  
榮名世乃欽

麥秋至

陰晴渾不定麥信動郊原秋意雲千頃  
年頭雪幾番潤兼晨氣度涼挾浪痕翻

衆綠圍如幄餘香送到門登塲馴雉伏  
拾穗乳鳩喧爭得蚕盈箔催成竹滿園  
陂塘連五月餅餌飽前村一例西成報  
盈寧荷聖恩

七言律詩

初夏訪御李

清胡鳴玉廷珮

喬木疎籬似畫圖數椽老屋向城隅隔

林園月冷

二編卷三

十六



林雨霽，鳩呼婦近戶。風輕燕引雛，花委藥欄紅。欲盡草深蔬圃綠，全蕪知君剩。有郭筒酒，許我池邊一醉無。君近日自蜀歸

新綠

黃 驛嶽領

又隨佳日蔭高齋，目送林梢闥正排。幾處落花尋舊夢，一溪流水問生涯。濃分酒色才浮盞，細染苔痕欲上階。便擬臨風過長夏，午陰遊戲綠槐街。

初夏晚窓即事

汪學金敬箴

芭蕉影裏坐攤書，但得清閑百不如。新綠簾櫳春後淡，黃庭院月來初荒。齋速客三升酒，小圃歸童一剪蔬。休笑十年塵網內，依然清夢到樵漁。

賦得四月清和雨乍晴



李文淵 再後

小圃香銷，雨乍停，陰陰新綠遍郊坰。波  
添曲沼，當軒碧雲斂。遙峰入座，青掠水，  
燕雛飛欲倦。宿花蝶羽夢初醒。薰風到，  
慶田禾好，為愛農歌駐馬聽。

四月三日湖上作 吳錫麒 聖徵

衝煙盪到郭門，船橋外陰陰一徑連。香  
迸荀泥來燕候，響催桑剪飼蚕天。應  
鳥解留春語，過眼人貪讀書緣。新綠在  
山萍在水，花遊好趁夕陽邊。

初夏雨中

惓惓情味也如愁，一望濃陰壓屋頭。已  
覺雨多纔入夏，但逢蚕熟又成秋。綠肥  
豆莢田家飯，紅配櫻桃野店籌。添箇詩



人尋畫到蓑衣閑，傍郭門舟。時郭頗如來寓湖上。

湖上觀新綠

畫裏租來弄水船，一枝柔艣綠陰邊。浮  
煙欲合全湖暝，宿雨初晴万樹圓。紫燕  
黃鸝相對語，餘花晚菊各成妍。春愁獨  
我難消遣，每到斜陽爲黯然。

綠陰

雨絲吹過畫生寒，一徑陰陰鎖石闌。濃  
淡似兼煙翠活，淒迷不待夕陽殘。時聞  
墜果當階響，略逗餘花借客看。惆悵年  
年秋色裏，馬蹄踏碎葉聲乾。

五言絕句

南國初夏作

清 吳錫麒 聖徵

苔徑無人行，琴卧斜陽清。水紋搖似篆。



丁子尾初生

林間脫殼笋，渚裏破毛禽。着箇老夫坐，南風看綠陰。

七言絕句

遣興

清潘高孟升

戴勝飛來恰棟花，黃鸝滿寺亦枇杷。隔溪煙滿爭縹繭，別崦香傳正焙茶。

初夏偶成

黃任莘田

去歲黃梅雨可憐，清和第一算今年。佛桑如血榴如火，艷絕牆頭四月天。堆盤苦笋雜櫻桃，歲序匆匆又一遭。市上晚涼傳好語，今年米價不曾高。曉起銀床露氣清，梧桐樹下剪刀聲。遙知漸近菖蒲節，紅綠羅紋染早成。



窓風策策響牙籤盡日無人午夢添夢  
到江南好天氣玉簫紈扇水晶簾

初夏樗園記事詩 吳錫麒 聖徵

護門新綠晝常陰靜裏休嫌聒水禽布  
袴脫時泥滑滑天教先慰望霖心  
亭臺大半溷榛芳料理頻煩策瘦藤三  
百青錢湏破費松毛預縛歇涼棚

芍藥田寬過百弓一般綺態殿春風我  
思淨面瞻菩薩樂府還來唱洗紅  
園丁昨報龍孫長直節原來苦硬俱却  
憶故園貓筍美便應頓頓配花豬  
江頭烟水欲平磯渡口網師猶未歸幾  
日腥風催市上鮓魚歇後鱮魚肥  
酒趁村沽不厭渾櫻桃梅豆助開尊人



家可奈無蚕忌薄暮催租吏打門  
禪子書來雲氣中勞將新焙寄筠籠要  
余理會茶三昧兩鬢疎煙一榻風  
蚊雷未聚下門候蛙鼓猶遲官地聲  
子亂搖科斗活却觀物化感吾生  
落花送後懶門開為放斜陽此一回  
我有青苔故人跡莫容汗脚尺三來

單衣新試風舒舒訪古出門隨所如  
可惜荒涼尋不到小雷塘下一螢初

立夏日雜憶南中節物

顧祿鐵印

墨花翠莢曉煙霏薄采晨朝蛺蝶飛  
風味詩人誇隴上養蚕時節綠初肥  
蚕豆晚風修竹響蕭蕭籬畔香苞入  
饌嬌頗



耐一冬霜雪冷當春雷雨助千霄  
西崖桃子似嬰兒啼鳥銜春欲去時底  
事鄴宮翻別調風流紅粉繫人思  
青梅如豆又登盤感損眉彎鏡裏看鄉  
夢薰風吹不醒饒他好雨總含酸梅實

○五月

月令演五月天中螳螂已生啼鴟伊始

反舌無聲鹿角雙解蜩鳴沸羹竒哉半  
夏因時得名錦帶連珠楚客吹商露  
暖洞庭之岸魯工叩羽霜流嶧嶺之陰  
清軒密樹襟開黃雀之風爽閣涼雲  
簾卷素桐之雨美人玉腕笑結雙絲  
仙子朱符能開八陣西岑結艾還思  
王母重來南浦弄舟尚謂大夫何在



薰風拂野爭看射柳之弓炎日臨江直  
映盤龍之鏡 刻桃雜帛繫棟驚龍  
庭開夜合之花帶引宜男之草 蟬吟  
水樹映薄鬢於秦樓鳩噪風柯憶落英  
於漢浦 炎光浮丹水之魚紫氣繞靈  
池之玉 蘭花千葉濯香於冰肌蟾采  
萬年毓丹文於水鏡 一歲芳華舟競

渡龍輓忠魂于楚水艾偏懸虎裊毒魅  
于高門 清嘉錄釋氏羽流先期印送  
文疏於檀越填注姓字至朔日焚化殿  
庭謂之修善月齋是月俗又稱爲毒月  
百事多禁忌案荆楚歲時記五月俗稱  
惡月多禁忌曝牀薦席及蓋屋潘榮階  
帝京歲時紀略京俗五月不遷居不糊



窗榻名惡五月吳俗稱善月蓋諱惡為善也蔡鍊翁詩俗忌三

旬呼毒月堂中挂鍾馗圖一月以祛邪魅

李福鍾馗圖詩云面目猙獰膽氣粗榴

紅蒲碧座懸圖仗君婦蕩么麼技免使

人間鬼畫符又盧毓高有詩云榴花吐

焰萑蒲碧畫圖一幅生虛白綠袍烏帽

吉莫靴知是終南山裏客眼如點漆髮

如虬唇如腥紅髯如戟看徹人間索索

徒不食煙霞食鬼伯何年留影在人間

處處端陽驅癘疫嗚呼世上罔兩不勝

計靈光一睹難逃匿仗君百千億萬身

却鬼直教褫鬼魄案唐逸史明皇因疾

晝夢藍袍鬼從一小鬼擘而啖之自稱

終南山進士誓除天下虛耗之業乃詔



吳道子如夢圖之批其後曰靈祇應夢  
厥疾全瘳烈士除妖實須稱獎因圖異  
狀頒顯有司歲暮驅除可宜徧識以祛  
邪魅兼靖妖氛又孫述張說文集有謝  
賜鍾馗畫表又劉禹錫有代杜相公及  
李中丞謝鍾馗曆日表又五代史吳越  
世家歲除畫工獻鍾馗擊鬼圖沈存中

補筆談熙寧五年上令畫工模搨吳道  
子鍾馗象鏤版除夜遣內奉供官梁楷  
就東西府給賜但考劉宋征西將軍宗  
慤有妹名鍾葵見其母鄭夫人墓誌夢  
溪筆談載之家雪亭云今俗有鍾馗嫁  
妹圖以此而譌又後魏有李鍾馗北史  
堯暄本名鍾馗字辟邪又恩倖傳有宮



鍾馗又楊慎外集云鍾馗即終葵古人  
多以終葵為名其後誤為鍾馗俗畫一  
神象帖於門手執椎以擊鬼好怪者遂  
相傳鍾馗能啖鬼又作鍾馗圖言鍾馗  
為開元進士尤為無稽是鍾馗之名由  
來已久特開元始有畫耳胡浩然除夕  
詩云靈馗挂戶則知古人以除夕今人

以端五其用亦不同俗又稱水墨畫者  
曰水墨鍾馗蔡鐵翁詩掀髯墨象聊驚  
鬼又吳曼雲江鄉節物詞小序云杭俗  
鍾進士畫像端午懸之以逐疫詩云進  
士頭銜亦惱公怒髯瞞腹畫難工終南  
捷徑誰先到按劍輸君作鬼雄江震志  
云五日堂中懸鍾馗畫象謂舊俗所未



有五日俗稱端五瓶供蜀葵石榴蒲  
蓬等物婦女簪艾葉榴花號為端五景  
人家各有宴會慶賞端陽藥市酒肆餽  
遺主顧則各以其所有雄黃芷朮酒糟  
等品百工亦各輟所業群入酒肆閑飲  
名曰白賞節案荆楚歲時記京師以五  
月一日為端一二日為端二三日為端

三四日為端四五日為端五張表臣珊  
瑚鈎詩話謂端五之號同於重九世以  
五為午誤崑新合志云五月五日端陽  
節瓶供蜀葵石榴蒲蓬等物曰端陽景  
江震志云醫家亦以雄黃衣香送於常  
所往來之家又云端午日晴主年豐諺  
云端午晴乾農人喜歡市肆以菘葉



裹黍米爲糗象稱鉤之形謂之稱鉤糗  
居人買以相餽貺并以祀先案杜臺卿  
玉燭寶典云五月五日以菰葉裹黏米  
者以象陰陽相包裹未分散也吳曼雲  
江鄉節物詞小序云杭俗端午尚角黍  
亦有依古作筒糗者詩云裹就連筒米  
宿春周遭絲縷繫重重青菰褪盡雲膚  
白笑說厨娘蕩覆鬆 研雄黃末屑蒲  
根和酒以飲謂之雄黃酒又以餘酒染  
小兒額及手足心隨灑牆壁間以祛毒  
蟲蔡雲吳飲云稱鉤糗子滿盤堆好侑  
雄黃入酒杯餘瀝尚堪祛五毒亂塗兒  
額喫牆根案吳曼雲江鄉節物詞小序  
云杭俗五日剉蒲根入火酒和雄黃飲



之或以塗小兒額上詩云細切蒲菹勸  
舉觴不須九節認靈草嬌兒怯試燒春  
味一抹妝成半額黃土人采百草之  
可療疾者留以供藥餌俗稱草頭方藥  
市收癩蝦蟇刺取其沫謂之蟾酥為修  
合丹丸之用率以萬計人家小兒女之  
未痘者以水畜養癩蝦蟇五箇或七箇

俟其吐沫過午取水煎湯浴之令痘瘡  
稀結五色絲為索繫小兒之臂男左  
女右謂之長壽線案吳曼雲江鄉節物  
詞小序云杭俗結五采索繫小兒臂上  
即古之長命縷也詩曰編成雜組費功  
深絡索輕於纏臂金笑語玉郎還憶否  
年時五采結同心男女佩帶辟瘟丹



或焚於室中益以蒼朮白芷大黃芸香  
之屬皆以辟疫祛毒又謂五日午時燒  
蚊煙能令夏夜無蚊蚋之擾蔡雲吳歆  
云蒲蓬卵蒜挂牀前芷朮香芸地下燃  
還怕夜來眠不穩碧紗帳外點蚊烟案  
月令事竄載五月五日收藏浮萍乾為  
末和雄黃作紙纏香焚之能避蚊江震  
志則云五日采百草焚之以避蚊蚋又  
崑新合志云五日燒蒼朮白芷辟瘟丹  
并蚊烟以祛毒蟲擇蒜本之不分辦  
者結線網繫之以為飾謂之獨囊網蒜  
案吳曼雲江鄉節物詞亦有詠網蒜詩  
不隨葱薤付蘭綺網結千絲壓線遲絕  
似簾波垂影霎誤他銀蒜入罌恩十



三日為關帝生日，官為致祭，於周太保  
槁之廟。吳城五方雜處，人煙稠密，貿易  
之盛，甲於天下。他省商賈各建關帝祠，  
於城西為主客公議規條之所。棟宇壯  
麗，號為會館。十三日前已割牲演劇，華  
燈萬盞，拜禱唯謹。行市則又家為祭獻，  
鼓聲爆響，街巷相聞。又相傳九月十三

日為成神之辰，其儀一如五月十三日，  
制俗以此二日，兩為關王磨刀。兩主人  
口平安，蔡雲吳飲云神誕，猶傳漢壽亭  
神臺，弦管散諸伶，竹君自醉，龍生日一  
陣磨刀，兩恰。腥案元至正間，將仕郎普  
顏花讓關王廟碑云：荆楚之人相傳王  
於六月二十三日生子平，於五月十三



日生是日朝拜祭賽遠近輻輳錢塘馮  
少渠關公祖系記云侯以桓帝延熹三  
年庚子六月二十四日生則今之以五  
月十三日生者非也惟考永樂北征時  
每見神前驅凱旋乃制崇祀以五月十  
三日祭祀典歲以春秋二仲月吉日及  
五月十三日致祭崑新合志云是日俗

傳為關神武誕士夫家宰白雄雞以祭  
之近亦漸少芒種後遇壬為入徵俗  
有芒種逢壬便入徵之語而人即以入  
徵之日數度徵頭之高下如芒種一日  
遇壬則徵高一尺至第十日遇壬則徵  
高一丈度物過夜便生徵點謂之黃梅  
天又以其時忽晴忽雨諺有云黃梅天



十八變又謂天寒主旱諺云黃梅寒井  
底乾夏至後遇庚為出徽小暑日為斷  
徽過此則無蒸濕之患俗又忌小暑日  
雷鳴主潦俗呼倒黃梅諺云小暑一聲  
雷依舊倒黃梅農人以入霉日雨主陰  
出霉日雨主旱諺云雨打黃霉頭四十  
五日無日頭雨打黃霉脚四十五日赤

晧晧案全施真卿叢話謂淮浙以芒種節  
氣後為梅雨周處風土記云夏至前名  
黃梅雨庾溪詩話江南五月梅熟時霖  
雨連旬謂之黃梅雨崔寔農家諺黃梅  
雨未過冬青花未破冬青花已開黃梅  
雨不來項甌東謂江南以三月為迎梅  
雨五月為送梅雨遇雷電為斷梅或言



古語黃梅時節家家雨，張蒙溪謂梅當作霉，雨中暑氣也。霉雨善汗衣服，故又云：霉宛言其為霉所壞也。字典：霉義與黴通。許慎說文：黴，物中久雨青黑也。玉篇謂面垢也。淮南子：修務訓：舜黴黑。又劉向九歎：顏黴鰓以沮敗兮。桂未谷札：撲謂物傷濕曰。微音黴，義同。府志一說。

梅作塵，塵塵也。楚詞九懷：霾土忽兮。塵塵也。義異。居人於梅雨時，備缸瓮收蓄雨水，以供烹茶之需，名曰梅水。徐士鉉吳中竹枝詞云：陰晴不定是黃梅，暑氣薰蒸潤綠苔。瓷甕競裝天雨水，烹茶時候客初來。案長元吳志載：梅天多雨水，極佳。蓄之甕中，水味經年不變。又



崑新合志云人於初交霽時備缸爇貯  
雨以其甘滑勝山泉嗜茶者所珍也  
梅雨既過颯然清風彌旬不歇謂之拔  
草風

麗藻五言律詩

五月十二日集篠園

清馬曰瑄秋玉

時候黃梅近林亭宿雨晴早荷爭水出  
晚筍上階生雲影過橋斷茶聲隔院清  
可憐城市客無復此閑情

五月

錢大昕曉徵

五月秧鉞綠兼旬雨澤稀甌窶乾欲坼  
布穀暮空飛米價頻年長田園生計非  
老農占甲子辛苦候荆扉



午節前連日大雨誌喜

趙翼雲荻

連日幾憂旱今朝犁盡翻天曾無德色  
人已定驚魂豈必土龍乞早看秧馬奔  
多餘先有兆大稔遍江邨

五月廿八日河水將竭忽得大雨  
歡聲遍野喜而作是詩

正值黃梅後河枯待澤忙人如操券責  
天果應期償檐溜粗於柱蛙聲沸似湯  
翻嫌諸父老連日太倉皇

信有知時雨融泥透幾重天心真可見  
歲時不終凶已聽驅秧馬無煩乞土龍  
莫猶存見少尚覺濕雲濃

竹醉日學仙遊我來



回軒能整暇，勝日喜重過。講射薰風淨，  
催詩好雨多。官中分祭肉，野外送秧歌。  
萬竹猶霑醉，君堪獨醒何。  
乍從折柳後，不覺浴蘭過。獨寐情偏遠，  
相看興倍多。遲回靜者意，倉卒醉時歌。  
不共山窓月，其如良會何。

馮 祝古浦

五言排律

螭螂生

清 吳錫麒 靈徵

畫出草蟲詩，無聲宛肖之。其生值芒種，  
厥種比冬蟪斯。青臂撐方怯，紅綃試不遲。  
身輕三日露，響激七條絲。醫葉蒼窺處，  
迎風半卻時。翹翹瓜蔓架，趑趑槿花籬。  
拒芥情原壯，當輪志豈移。睢陵多健鵠，



珍重莫忘危

鵲始鳴

聽得關關語林端，鵲又啼，應陰期不爽。  
司至職同，替側翅多時，竦單情獨自棲。  
暗催芳草，歌港入綠煙，迷蠻舌調猶澀。  
豈齊紡車聲上下，飛燕影東西。  
舊說消姑惡，疏家誤子鴛，細參騷客賦。

寒信感淒淒

反舌無聲

聽喚春歸去，猶無百鳥喧，如何陰乍長。  
宛爾古之捫，得意忘前度，如瓶守一番。  
箏琵琶全洗耳，桃李共無言，休息關天意。  
深沉契道根，竟甘收吻，縱絕不作瀾翻。  
悄悄紅辭樹，悵悵綠到門，鳴鼃安足證。



鼓吹正囂煩

鹿角解

鹿鹿陰潛感童童見已殊已應肯容畜  
寧復角仙呼耒爾枝摧朽飄然籜隕枯  
夢回形早換挂去迹全無頓失森森勢  
翻便政政趨杖杪空顧眴撲檄辯模糊  
瑤少斑痕驗毛猶雪色鋪養成秋正好

寫入上林圖

蟬始鳴

報道黃梅出旋煩鼓翼勞雙槐涼翠合  
萬柳夕陽高自有繫聲續先催短調操  
絃抽么韻夏車引一絲縹莎面留遺蛻  
松陰避暗濤煙枝移乍定風葉抱能牢  
箏笛人休溷簪纓爾亦豪露華仙禁滿



常許沐恩膏

半夏生

靈苗稽本草，夏半候能諧。蒲艾生相次，  
茯苓品共參。後先中氣聚，表裏一陰含。  
全借梅風孕，平分棟雨涵。榮剛日長至，  
采趁伏初三。辨性薑調澀，程功橘配甘。  
刀圭珍藥籠，組織入詩談。壽世無疴癘，

薰風樂自南

黃梅雨

乍晴還乍雨，輕暖又輕寒。梅熟黃初重，  
雲翻白更漫。斜飛和返照，急陣送餘酸。  
簷角聲猶滴，籬根水欲澗。晚雷催格格，  
涼樹合團團。箐冷衣全斲，苔生礎未乾。  
茗材籌反甕，林響隨金丸。野老披蓑出，



田歌一例歡

七言律詩

夏至前一日同少穆耕民泛湖

清

厲

鶚太鴻

雨後看山綠繞城鏡初卷半湖明荷  
邊魚在香中戲橋上人從畫裏行料理  
酒杯無俗物銷除席帽足閒情水風忽

送涼如許搖曳新蟬一兩聲

五月十三日同丁敬身遊智果寺

招得吟朋上釣槎北山來訪野僧家竹  
陰入寺綠無暑荷葉繞門香勝花泉酌  
參寥寒發缺字尋坡老壞梁斜幽禽不  
會躊躇意飛向湖天點落霞

夏至雨中遣興

趙執信伸符



庭際寥寥起曉陰，門前皤皤絕車音。熟  
梅節過猶宜雨，苦竹年來自作林。但乞  
厨烟消白日，敢期鼎藥變黃金。流光又  
向人間短，冷傍江湖寄隱心。

仲夏偶成

吳璜芳甸

已齊得喪判秋毫，禪榻茶烟避俗囂。自  
有詩書爲麴蘖，不嫌門徑長蓬蒿。明珠  
未肯輕投鵲，古井何曾再起漚。使學盧  
郎殊不惡，興來痛飲讀離騷。

觀插秧

趙翼雲菘

扶病東阡一倚筇，分秧愛看綠茸茸。我  
因無俸思勤稼，人笑非官也勸農。整隊  
似申軍令，肅鞠躬豈習禮容。恭只餘袖  
手閑觀處，心愧泥塗戴笠傭。



消夏次王西莊先生韻

程際盛 煥若

蘭草侵堦嬾未芟，此身長署散人衙。  
竹花細影浮湘簟，蕉葉清芬滿葛衫。  
靜坐團蒲聽梵語，閑凭方罫試碁函。  
不愁繫日長繩少，午景遲遲度翠巖。

七言絕句

石帆亭消夏

王士正 貽上

池亭五月滿湘色，暫是羲皇以上人。  
喚作唐裝君信否，紫蕉衫映白綸巾。

夏日雜興

朱彝尊 錫鬯

五月新苗綠上，衣農人占雨候。  
荆扉黑雲合處，斜光露無賴。  
蜻蜓千百飛。

宿華頂寺

錢大昕 曉徵



竹瘦藤枯古石斜，白雲留護法王家。深山氣候元來別，五月初開芍藥花。

午節前連日大雨誌喜

趙

翼雲崧

彌空解澤信知時，城外栽秧內水嬉。苦樂雖殊情則一，大家都快雨淋漓。

快雨

打麥聲喧正熟梅，濕雲俄起殷其雷。天公不待人開口，將要栽秧大雨來。

五月十三日相傳關壯繆生辰，常城例具雲車數十座，作神會。今歲屆期大雨竟日，雲車遂不能出。龍舟亦停戲賊。

龍舟猶鬪彩霞紅，又聳雲車絢半空。一



雨磨刀都嚇退殺風景究是英雄俗以是日

雨謂壯繆磨刀雨

梅雨

吳錫麒聖徵


苔氣昏昏午睡成耳根微有蒼蠅鳴老  
夫不覺風生腋一銚自吟詩味清  
漏痕偷得魯公筆落墨攬入徐熙花閉  
門十日須理會牆脚鷓鴣夕照斜

林園月令二編卷三

林園月令二編卷三

四六



This image shows a page from a book with a table structure. The page is cream-colored and features a large rectangular area defined by a thick black border. Inside this area, there are several vertical lines creating columns. The right side of the page shows the binding of the book.

--	--	--	--	--	--	--	--	--



